



Nuuk ulloq 26. juli - 2018

Inatsisartut suleriaasianni § 37 imm. 1 naapertorlugu Naalackersuisunut imatut apeqquteqarpunga:

**Naalackersuisunut apeqqut:**

- 1. Tarnikkut katsorsaasarneq pillugu Naalackersuisut siusinnerusukkut inassuteqaataat Naalackersuisut malittarinikuuaat, imaluunniit malittarinissaannik pilersaaruteqarpat?  
- Taamaattoqarpat inassuteqaatit suut maannakkorpiaq sulirineqarpat suliallu suut ingerlateqqinneqarpat?**
- 2. "Maniitsumi" periutsit taaneqartartup siaruarnissaanut Naalackersuisut pilersaaruteqarpat, tassani suliaqarfiit akornanni suleqatigiinneq tarnikkut nappersimasunut ataasiakkaanut pitsaasumik pilersaaruteqarnissamut pisariaqarluni, inuilluunniit ilisimasat misilittakkallu nunatsinni ineriartortinneqarnikut tunngavigalugit periutsit pitsaanerpaatut 2012 pilersaarutaasutut tarnikkut katsorsaavimmi misissorneqartussaallutik?**
- 3. Nunatsinni tarnikkut katsorsaanssamik neqeroorutit maannakkut qaffasissusaat ingerlatiinnarniarlugu isumalluutit suut Naalackersuisut ullumikkut, maannakkorpiaq, amigaatigaat, Naalackersuisullu isumaat malillugu amigaataasinnaasunut suut pissutaappat?**
- 4. Nunatsinni pitsaanerpaamik tarnikkut katsorsaasarneq qulakkeerniarlugu aningaasat, isumalluutit allalluunniit qanoq amerlanerutigisut pisariaqarpat?**
- 5. Suleqatigiissitsisut paasivaat Aningaasaqarnermut Ataatsimiititaliamit 2015-imi akuerineqartutut Dronning Ingridip Napparsimavissuani tarnikkut katsorsaasarnermi immikkoortortamik nutaamik sananissap qulakkeerneqarnissaanik Naalackersuisut pilersaaruteqartut.  
- Naammassisaqarsinnaassutsip annertuumik annertusinissaanik Naalackersuisut pilersaaruteqarpat, maannakkummi matoqqasumik isertiveqalertussaavugut, aammalu sammisat ilisimasallu kiisalu tarnikkut katsorsaarnermi immikkoortortaqaqfimmii nappaammik paasiniaasarnissanik pisariaqartitsinerup annertusinissaa siumut piareersimaffigisariaqarparput – nunatsinni inuit atugaasigut ajornartorsiutit annertunerujartortumik sammineqartarnerat eqqarsaatigalugu kiisalu neriunarluni inuit atugaasigut suliaqarnermi piginnaasat siunissami annertusinissaat, tamakkulu meeqqat inersimasullu nappaataannik misissuineranut nappaatinillu suussusiliineranut pisortat ikiorsiisarnissaannik pisariaqartitsinissamik annertusisitsisussaammata?**
- 6. Nutaamik sanaartornissamik Inatsisartuni siunnersuuteqarnissaq qaqugu ilimagisinnaavarput?**
- 7. Tarnikkut katsorsaasarnermi immikkoortut ilaat namminersortuni ingerlanneqalernissaat Naalackersuisut takorloorsinnaavaat?  
- Assersuutigalugu internetikkut tarnikkut katsorsaalluni oqaloqatigiilluni katsorsaasarnermik, nakorsaatit annertussusaannik aaqqiisarnermik suliaqarfinnulluunnit allanik suliariumannittusarsiuussilluni. Soorunami suliffeqarfinnut suliamik ingerlatsinermi piginnaasaqartunut.**



SULEQATIGIISITSISUT  
SAMARBEJDSPARTIET

### **Tunggavilersuut:**

Tamatta paasisinnaavarput peqqinnissaqarfik annertuumik piunaffigineqartoq. Minnerunngitsumik Nunani Avannarlerni psykiaterit kiisalu nunatsinni sumiiffinni assigiinngitsuni nunatta napparsimaviini immikkut immikkoortuni sulisut ilinniarsimasut ataatsimut isigalugu annertuumik amigaatigineqarput. Soqutiginarsinnaavoq tamassumunnga suna pissutaanersoq paasissallugu.

Innarliinernit kingusissukkut kingunerlutsitsisarnerit annertunerusumik isiginiarneqartillugit, tarnikkut ajornartorsiutit soorlu imminut toquttartut, atornerluinermi kingusissukkut kingunerlutsitsisarneq annertunerusumik isiginiarneqartillugit kiisalu nappaammik suussusiliisarneq soorlu autisme, ADHD, inuttut isummatigut ajoqutit allallu pillugit suliamik ingerlatsisinnaassuseq annertunerusumik isiginiarneqartillugit, piunasaqarneq aamma soorunami annertusissaaq.

Peqqinnissaqarfik sapinngisarput malillugu siunissamut qulakkiissavarput, tassunga ilanngullugu tarnikkut katsorsaasarneq ukiorpassuarni siusinnerusukkut immikkoortuusoq pingaartinneqanngitsorujussuunikoq, maannakkullu isiniarneqarnera aallartinniarneqalernikoq.

Tarnikkut katsorsaasarneq nappaammillu suussusiliisarneq eqqortumik katsorsaasarnermik, pinngitsaaliilluni unitsitsisarnerit ikinnerulernerannut, imminnut toquttartut ikinnerulernerannut, nakuusertarnerup suliffissaaruttarnerullu pinaveersimatinneqarnissaannut annertusisitseqataasarput.

Paasineqartariaqarpoq nunatsinni tarnikkut sianissutsikkullu katsorsaasarnerit taperserniarlugit kiisalu inuit pitsaanerusumik tamakiisunngortinnissaat katsorneqarluarnerunissaallu qulakkeerniarlugit tamanna iliuseqarfigineqartariaqartoq.

inuit tarnikkut ajorteriaannaat, tarnikkut napparsimasut taakkulu ilaqutaasa sapinngisamik siusissukkut eqqortumik, tunggavilersorluakkamik, siamasissumik eqqortumillu iliuseqarnikkut inuunerisa pitsaassusaa annertuumik pitsanngortinneqassaaq.

Tamanna tarnikkut katsorsaasarnermi immikkoortortarfinni napparsimasunut sunniuteqaannassanngilaq, aammali inuiaqatigiit ataqatigiissinnaassusiannut, sulisinnaassusermut minnerunngitsumillu ulluinnarni inuunermet sunniuteqassalluni.

Tarnikkut katsorsaasarnermi piginnaasaqarneq aammalu inuuttaasut pinaveersaartitsineq, suliamik ingerlatsinermi siunersueqatigiittarneq, meeqqat atuartut nappaataannik suussusiliisarneq, isertitsivinniittut pillugit ilisimasaat Namminersorlutik Oqartussani tamani pingaaruteqartorujussuupput, ilaatigullu hashimik, imigassamik aanngajaarniutinillu allanik atuisarneq inunnit ajorteriaannarnit imminnut katsorsarlutik atorsinnaasut annikillisinnissaat qulakkeersinnaallugu

taamaalilluni inuit inuuneranni sapinngisamik siusissukkut eqqortumik nappaammik paasinaasarnissap annertuumik isiginiarneqarnissaa atorfissaqartinneqarpoq, Suleqatigiissitsisunilu kissaatigaarput tarnikkut katsorsaasarneq taamaalilluni immaqa ullumikkorniit pingaartinneqarnerulissaaq.

Qulaaniittut pillugit Naalakkersuisut eqqarsaataat tusassallugit soqutiginnissaaq.

Ullut suliffiit qulit ingerlaneranni akineqarnissaaq kissaatigalugu.

Tillie Martinussen

Samarbejdspartiet - Suleqatigiissitsisut